

雪樓集

十

蘇子卿

解學

PCG

欽定四庫全書

雪樓集卷二十八

元 程文海 撰

詩

次韻廣西王景韓憲僉見寄

江漢飄零一夢初
少年心事了無餘
雙鳬乘鴈妨賢路
五柳孤松憶獎廬
黃鶴樓前塵隔扇
碧蓮峯下雨隨車
新詩乍見如公面
有使頻將慰索居

次韻郭西楚見寄二首

我本山中一倦民，出山猶幸挹真醇。
何妨共結雞豚社，鬪取樽前見在身。

自別君來肺欲塵，清泉那得取諸鄰。
夜來夢與山靈語，華子岡頭見異人。

次韻盧疎齋就以贈別二首

百川晝夜流，萬折不能止。
羣山勢崩奔，終古乃在此。
人生費推輓，三歎中夜起。
瀟湘有佳人，朗月鑑秋水。
思之

不可見曠若隔千祀相逢在歲晏使我寢食美又言當
遠別東去數千里何由小躊躇招招彼舟子

芥石琥珀針不言自相得留君我無辭送君我無力願
君加餐飯努力崇明德江空餘深寒出入慎扶翼梅花
照清穎夢寐耿玉色矯首東南雲金門幸回憶

寄王寬夫侍御

墨池曾別右軍來回首何時笑口開昨夜東風吹好夢
故人今上鳳凰臺

寄趙子敬治書二首

父老猶能記福星煌煌今在太微庭
五年江漢烟生土
惟有甘棠一樹青

南北參辰十五年狂奴狂態故依然
何時握手平生事
夜夜南樓月滿天

寄潘景良都事二首

渺渺美人天一方思如江漢不勝長
東風喚起三山夢
月滿庭花幾樹香

憔悴江湖見在身十年前事只清塵
鳳凰臺上闌干曲
應念天涯有故人

觀空軒

焚蘭登上方倚策得幽觀
塵心一昭曠風篠正凌亂
道人欲觀空花臺對香案
融融雨初潤靡靡春將半
未詳姚與魏穀葉珊瑚幹
豈無豪貴惜亦有子孫看
風光本何有可愛不可玩
殷勤道人心邀我揭柔翰
故知非佛事聊用標讚歎
無根優鉢曇過眼河沙算
書成小窺簷

金定四庫全書
卷二十八
紛紛現霄漢

舜舉畫棠梨練雀

霜暈棠梨臉風梳練雀翎
含毫心欲醉開卷眼還醒

送孟子周御史

翰林逼華蓋學士如堵牆
我昔從東來白鷗入鴈行
又如彼棲直稊米於太倉
無補舜裳衣幸識堯文章
孟氏古作者周鄒漢平昌
當時梧竹間鸞鵠今高翔
瞻前忽在後復若揚粃糠
相知始相識此樂殊未央
非無酒與

有三嗅不肯嘗英韶發孤奏二栢失老蒼何以傲歲寒
篋笥留耿光何以慰別懷願保濟速航

送劉欽夫御史

乘驄萬里行光華動南極江漢及早春草木皆喜色欽
夫吾所欽握手如舊識詩書與禮樂談笑出珪璧寒亭
列山尊我欲勞遠客再四招不來威鳳方覽德使我心
慙而無以見雙栢忽辭黃鵠磯遡返烏衣宅瞻言在中
河杳杳浪花白天空雲水濶欲送無羽翼輕舟行順流

頗以戒潮汐努力重明時壽身壽家國

周耐軒總管輓詞

總角誇神秀懸車見達尊雙旌傳宦學千里賴生存馬
鬣山扉夜寵眉總帳昏歲寒留履齒淒斷不堪論

鄧中齋輓詞

中齋吾所敬一別幾飛螢栗里藏名字歐鄉有典刑龍
蛇那起起鴻雁已冥冥淚眼河汾迷猶占處士星

送劉仲誠歸潯陽

不見匡山久，高人得飽看。
遺民甘入社，中允竟辭官。
南極光芒逼，東風紫翠寒。
君歸煩問訊，五老近平安。

寄郭西楚憲僉二首

風淨看花陌，上塵遙知露冕。
正行春，麻姑定向方平語。
三十年來第一人。

投林心似後棲鴉，黃鸝留連老歲華。
千里家山棠蔭好，春風何日岸烏紗。

送尹生歸江西

江漢秋深鴈過稀
悠悠歸思夢先知
輸君去住無多事
顧我留行待幾時
野岸曉光千棹急
平湖寒影數峯欹
拍肩試向洪厓說
倘有黃花覓一枝

家山飛雲圖

吳雲楚客兩羈孤
我亦先人有敝廬
風雪江湖歸路遠
不知誰為寫成圖

次韻程文卿并柬憲府諸公

歲晚江湖一舸歸
故人水驛寄新詩
風霜客鬢非前日

冰雪梅花似舊時
閩嶠十年常在望
西山千里重相思
喜逢官府清平日
林下從今生有涯

寄陳止善繡使

王春煦萬宇八使來
宣昭使君古德星
所至聞虞韶憶
經沙羨陌弭節
睠久要相望
江北南鄙客
一日消漢江
鴨頭綠奉以磊
砢澆驪駒曲未
終渺然但清飈
匡山綵雲起繡
衣已當宵迢迢
江閩際往往山
岳搖豈意桑梓
間猶得親華鑣
衡門劣容車聊
以永今朝至今
馨歎留

使我神思超瞻言既匪易既見終成遙遙知按行處氣
壓滄海潮繙經有晉石水底字未銷山靈知素約寤寐
苦見招使君幸踐之毋謂方乘輅

次韻王山仲見貽

清退菴中老風流昔所親江雲猶薄暮宰木早先春文
采傳家舊詩章發興新朝宗秋水在去去自知津

次韻王子炎見貽

每逢佳句百憂寬頗覺鷗盟尚未寒傳語烏衣兩公子

頻抄新作寄人看

西湖小景

一片無情水笙歌日日春至今圖畫裏輸與眼明人

送南豐曾敬齋學正歸省

芹藻香中識歲華滿懷霜橘苦思家來時賸載螺江酒
要及枝南第一花

畫牛

穀疎春來苦羣兒未必知良工如有意好寫駕犁時

張山泉自愚莊來往仙岩

曾宿喬林絕壑邊
月明終夜聽山泉
宮商斷續初無譜
欲問張君借五絃

甲辰秋三谷山房落成次人韻二首

隨牒年年東復西
歸來結屋傍叢祠
詩書何地不干載
山水於人有宿期
傳後莫忘初業祖
落成恰是菊花時
君看石上晉人字
一一琳瑯金薤垂

書是先人屋壁藏
牙籤重理鎮山房
一爐香火見尊祖

百世兒孫尚肯堂著在名山期衆共向來遺愛豈民忘
詩成難盡意中事石磴蒼蒼澗水長

送益清陳君

齒宿如何意更新黃花清露共精神絕憐康樂經行地
還遇淵明儕輩人樓對夕紅誰拄笏澗涵秋碧暫垂綸
區區太史占星聚不見高陽有後陳

次韻趙卿月見寄

林泉遺世味幙府念平生尺玉偏勞寄雙魚不忍烹有

山隨李廣無酒飲公榮戲問朱簾客應知暮雨情

用前韻送閻伯雍

期子銷殘臘寒江水又生宦途謀北運客味厭南烹早
就金門獻先看玉樹榮家公應問我泉石正關情

題畫屏折枝十二首

牡丹

天香銷卯酒國色艷朝暾無地堪池館留看到子孫

雞冠